

历代浑源神川诗文 北岳恒山诗文(1)

恒源合作社为您提供 塞北北岳恒山浑源特产绿色产品 [浑源名产黄芪](#) [北芪菇](#) 特产
杂粮 [浑源凉粉](#) [大豆](#) [莜面](#) [豆面](#) [土豆粉面](#) [黄糕面](#) [小米](#) [杏仁](#) [各类野山食品](#) 健康生活养生 自用或
送礼 均为上品 恒源鸡蛋, 本地饲养, 质优价平, 保证新鲜. 恒源合作社 山西浑源永安镇西顺(邮编 037400) 产品咨询或订购 电
话 手机 138352-04828 电邮 hengyuan@northgreatwall.com 恒源网址 www.hengyuan.northgreatwall.com 本地城内送货上门 外地邮购网
上订购

历代

浑源神川诗文 北岳恒山诗文

(一) 唐朝以前

翠屏峰 编辑

冀州赋

作者:汉朝·班彪

望常山之嵯峨, 登北岳而高游.

赞昌容

作者:汉朝·刘向

殷女忘荣, 曾无遗恋. 怡我柔颜, 改华标蓓. 心与化迁, 日与气炼. 坐卧奇货, 惠及孤贱.

封龙山之颂

作者:汉朝·《元氏封龙山之颂》, 俗称《封龙山碑》。

碑原位于河北省元氏县西北王村, 后移置于县文清书院。1958年失传, 现在下落不明。

碑立于汉桓帝(刘志)延熹七年(164年)。杨守敬《平碑记》云:“汉隶气魄之大, 无逾此。”是研究汉代书法和历史以及封龙山祀典的宝贵资料。

惟封龙山着, 北岳之英, 援三条之别神, 分体异现, 在于邦内, 礲口口名。与天同耀, 能蒸云兴雨, 与三公、灵山协德齐勋。因旧秩而祭之, 以为三望。汉亡新之际, 失其典祀。

延熙七年，岁辰执徐，月纪豕韦，常山相汝南□波蔡仑，长史甘陵广川沐乘敬天之怀（不），谦恭明祀，上陈德润，加于百姓，宜蒙圭璧，七牲法食，□酒□□，□□□□□。圣朝克明，靡神不举。戊寅诏书，应时听许。允敕大吏郎巽等，与义民修缮故祠。遂采嘉石，造立观阙。黍稷既馨，牺牲博硕。神歆感射，三灵合作。品物流行，农实嘉谷。粟斗三钱，天应玉烛。于是纪功利勒，以昭令问。其辞曰：天作高山，实惟封龙。平地拢起，灵高上通，嵯峨（山东）峻，高丽无双。神耀赫赫，理物含光。赞天□筮，德合无疆。惠此邦域，以绥四方。国富年丰，穡民用章，刻石纪铭，令德不忘。□□□□□无氏郎□平棘李音，史九门张玮、灵寿赵颖，县令南阳□□，□□韩林□□纵□，石师□文，造作张川，绛作王宇。

白石神君碑

作者：汉朝·《汉白石神君碑》，东汉灵帝光和六年（183年）立。碑今在河北元氏县封龙山。

盖闻经国序民，莫急于礼。礼有五经，莫重于祭。祭有二义，或祈或报。报以章（彰）德，祈以弭（弥）害。古先哲王，类帝禋宗。望于山川，遍于群神。建立兆域，修设坛屏。所以昭孝息民，辑宁上下也。白石神君，居九山之数，参三条之壹。兼将军之号，秉斧钺之威，体连封龙，气通北岳。幽赞天地，长育万物。触石而出，肤寸而合，不终朝日，而澍雨沾洽。前后国县，屡有祈请，指日刻期，应时有验，犹自挹损，不求礼秩。县界有六名山，三公、封龙、灵山先得法食，去光合四年，三公守民盖高等始为无极山谐大（太）常，求法食。相县以白石神君道德灼然，乃具载本末上尚书，求依无极为比，即见听许。于是遂开拓旧兆，改立殿堂。营宇既定，礼秩有常。县出经用，备其牺牲。奉其圭璧，洁其（资）盛。旨酒欣欣，燔炙芬芬。敬恭明祀，降福孔殷。故天无伏阴，地无鲜阳；水无沈（沉）气，火无灾燿；时无逆数，物无害生。用能光远宣朗，显融昭明。年谷岁熟，百姓丰盈。粟斗五钱，国界安宁。尔乃陟景，山登峥嵘。采玄石，勒功名。其辞曰：苍苍白石，峻极太清。皓皓素质，因体为名。惟山降神，?士挺生。济济俊?，朝野充盈，灾害不起，五谷熟成。乃依无极，圣朝见听，遂兴灵宫，于山之阳。营宇之制，是度是量。卜云其吉，终然允臧。匪奢匪俭，率由旧章。华殿清闲，肃雍显相。玄图灵像，穆穆皇皇（煌煌）。四时礼祀，不愆（衍）不忘。择其令辰，进其馨香。牺牲玉帛，黍稷稻粮。神降嘉祇，万寿无疆。子子孙孙，永永蕃昌。光和九年，常山相南海冯巡字季祖；元氏令京兆新封王翊字元辅；长史颖川申屠熊；丞河南李邵；左尉上郡白土樊玮；祠祀椽吴宜；史解彻；石师王明。燕元玺三年正月十日，主簿程庇家门。传白石将军教吾祠，今日为火所烧。

奕奕恒山

作者：西晋朝·程咸

奕奕恒山，作镇冀方。伊赵建国，在岳之阳。

祭北岳文

作者：北魏朝·孝文帝 拓跋宏(元宏)

维太和十八年，敬昭告于恒岳之灵。天极构高，人晖肇启。幽明合欢，百神同悦。今龙旆鸣銮，载还伊室。迈历恒峦，路邻阴岳。惟灵作镇，出纳炎冰。帝道资功，坤仪凭德。故遣兼官以牲玉荐于恒岳之灵，尚飨。

赠高允

作者：北魏朝·宗钦

嵬峩恒岭，滉漾沧溟。山挺其和，水耀其精。启兹令族，应期诞生。华冠众彦，伟迈群英。

祭北岳文

作者：唐朝·唐太宗 李世民

苍苍元气，纪三光而成象；茫茫后土，镇五岳以成形。衡泰启东南之祉，嵩华表西中之固。恒灵山之秀峙，亘朔野而标奇。兽啸龙腾，风云之所吐纳，霓裳鹤盖，神仙之所往还。叠嶂参差，凝烟含翠。重岗纷乱，照日分红。绝壁千寻，孤峰万仞。桂花侵月，松梦挂云。幽涧冬喧，飞泉夏冷。宝符临代邦之美，灵蛇表陈势之奇。铄石七年无以亏其大，含波九载不能损其高。巍巍乎，与乾坤而永固。隐隐乎，横古今而不绝。属以授旗赵郊，誓师冀土，敢荐牲玉，惟神飨之。

北岳庙

作者：唐朝·贾岛

天地有五岳，恒乐居其北。岩峦叠万重，诡怪浩难测。人来不敢入，祠宇白日黑。有时起霖雨，一洒天地德。神兮安在哉，永康我王国。

渡桑干

作者:唐朝·贾岛

客舍并州已十霜, 归心日夜忆咸阳. 无端更渡桑干水, 遥望并州是故乡.

让纠曹上乐使君

作者:唐朝·贾岛

战战复兢兢, 犹如履薄冰. 虽然叨一掾, 还似说三乘. 瓶汲南溪水, 书来北岳僧. 戇愚兼抱疾, 权纪不相应.

青门里作

作者:唐朝·贾岛

燕存鸿已过, 海内几人愁. 欲问南宗理, 将归北岳修. 若无攀桂分, 只是卧云休. 泉树为一别, 依稀三十秋.

塞上

作者:唐朝·黄滔

掘地破重城, 烧山搜伏兵. 金徽互呜咽, 玉笛自凄清. 使发西都耸, 尘空北岳横. 长河涉有路, 旷野宿无程. 沙雨黄莺啭, 辕门青草生. 马归秦苑牧, 人在虏云耕. 落日牛羊聚, 秋风鼓角鸣. 如何汉天子, 青冢杳含情.

恒山

作者:唐朝·刘禹锡

九衢车马浑浑流, 使臣来献淮西囚. 四夷闻风失匕箸, 天子受贺登高楼. 妖童擢发不足数, 血污城西一抔土. 南峰无火楚泽间, 夜行不锁穆陵关. 策勋礼毕天下泰, 猛士按剑看恒山.

对雪二首

作者:唐朝·李商隐

寒气先侵玉女扉，清光旋透省郎闱。梅花大庾岭头发，柳絮章台街里飞。欲舞定随曹植马，有情应湿谢庄衣。龙山万里无多远，留待行人二月归。

旋扑珠帘过粉墙，轻于柳絮重于霜。已随江令夸琼树，又入卢家妒玉堂。侵夜可能争桂魄，忍寒应欲试梅妆。关河冻合东西路，肠断斑骝送陆郎。

谒张果先生

作者:唐朝·李颀

先生谷神者，甲子焉能记？自说轩辕师，于今几千岁？寓游城郭里，浪迹希夷际。应物云无心，逢时舟不系。餐霞断火粒，野服兼荷制。白雪净肌肤，青松养身世。韬精殊豹隐，练骨同蝉蜕。忽去不知谁，偶来宁有契？二仪齐寿考，六合随休憩。彭聃犹婴孩，松期且微细。尝闻穆天子，更忆汉皇帝。亲屈万乘尊，将穷四海裔。车徒遍草木，锦帛招谈说。八骏空往还，三山转亏蔽。吾君感至德，元老欣来诣。受禄(竹头)金殿开，清斋玉堂闭。笙歌迎首拜，羽帐崇严卫。禁柳垂香炉，宫花拂仙诀(示旁)。祈年宝祚文，致福苍生惠。何必待龙髯，鼎成方取济。

恒岳晨望有怀

作者:唐朝·李颀

二仪均四序，五岳分九州。灵造良难测，神功匪易酬。恒山北临岱，秀崿东跨幽。瀍涧镇河朔，嵯峨冠嵩丘。禋祠彰旧典，坛庙列平畴。古树侵云密，飞泉界道流。从官叨佐理，衔命奉珍羞。荐玉申诚效，锵金谅有由。郊原照初日，林薄委徂秋。塞近风声厉，川长雾气收。他乡饶感激，归望切祈求。景福如光愿，私门当复侯。

别家后次飞狐西即事

作者:唐朝·马戴

远归从此别，亲爱失天涯。去国频回首，方秋不在家。鸣蛩闻塞路，冷雁背龙沙。西次桑

干曲，洲中见荻花.

塞北网浑源网页 www.hunyuans.northgreatwall.com 致力于弘扬塞外名城浑源北岳恒山文化, 建立让世界了解浑源和浑源了解世界的窗口, 为浑源特产提供走向世界的平台, 为各地人士选购和享用塞北浑源北岳恒山健康特产食品提供优质服务.

Copyrights by 塞北网(www.northgreatwall.com), All rights reserved. 版权所有, 免费下载仅供个人阅读使用, 不能用作商业和其它用途. 若欲用作商业和其它用途, 请联系塞北网浑源网页(www.hunyuans.northgreatwall.com).
